



Projet promovût di 'La Vôs dai Furlans' e 'ARLeF'

**Daria e Bete
nus insegnin...**



Bete e à tacât un cors di musiche cuntune mestre speciâl: sô cusine Daria!

Cjalin insiemi la pontade di *Maman!*
"Intune orchestre par une di" su



Lu saveviso
che...?



Lis notis musicâls a son 7: do, re, mi, fa, sol, la, si. A son stadis inventadis par ricognossi i suns che, metûts un dongje di chel altri, a fasin la musiche. Come che lis letaris dal alfabet a coventin par scrivi lis peraulis, lis notis a coventin par scrivi la musiche. Si lis scrîf suntun pentagram, fat di cinc riis paralelis. Daûr di dulà che a vegnin segnadis, si capîs trop che un sun al è alt (acût) o bas (grâf).

Cumò fâs tu!

Cjale il dissen e complete lis frasis chi sot cul non dal strument just!




Il riç al sune il Il procion al sune il
L'ors al sune il La bolp e sune il

TAMBÛR – FLAUT – VIOLIN - LIRON

Ridi
a plene
panze!

Cuâl isal il colm par un musicist?
No doprâ l'assensôr, parcè che i plâs fâ lis scjalis!

Pontut par pontut e... piture!



Pagine curade
dal Sportel Regionâl
pe Lenghe Furlane de

ARLeF
AGENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!? **Cirilis su**



ANCJE
'ON DEMAND'
SU **telefriuli**

Cjale lis gnovis
pontadis su
telefriuli

Vinars aes 18.30
e in repliche domenie
aes 7.00 e aes 13.00

STELIS E LUSIGNIS Noa



Roc. Par fâ lis robis fasiti judâ dai amis. Ma prime di dâ ordins cîr di scoltâ i lôr conseis.



Taur. Pierdi timp nol è simpri un mâl, parcè che ti da la pussibilitât di pensâ miôr su cierts rapuarts.



Zimui. Fasint une robe che ti plâs une vore, tu viodarâs che il timp al passe intun colp.



Gjambar. Par un pôc di timp tu ti sês fermât sui progjets impins, ma e je ore di tornâ a cjaminâ.



Leon. In amôr alc si sta movint, ancje se no tu sâs di precis ce: lasse fâ al timp.



Vergjine. Meti in bande la braûre nol è sempliç par nissun, soledut par te.



Balance. Sul lavôr tu âs plui di cualchi fastidi, che ti fâs dome imberdeâ i pinsîrs tal cjâf.



Sgarpion. Cîr di jessi te stes, cence lâ daûr di ce che chei altris a vuelin che tu sedis.



Sagjitari. Inte agjende dal cûr tu âs za cetantis cuistions viertis, no covente zontâ une di plui.



Bec di mont. Se tu rivis a puartâ a cjase un biel risultât, tu viodarâs che ancje altris a rivaran a facil.



Agarûl. Ti plâs stâ cidin, ma par une cuistion impuartante tu âs di fâ sintî la tô vôs.



Pes. Ti oblearan a fâ une robe che no ti plâs, ma te vite nol pues jessi dut facil.